

陳學士吟窓雜錄

陳學士吟窓雜錄卷三十五

人名詩

詠老景

舒王

老景春可惜無花可留得繞屋楮先生蕭蕭何所有  
每嫌柳渾青追恨李太白多謝安石榴向人紅紫坼

藥名詩

江臯歲暮相逢地黃葉霜前半夏枝子夜吟詩向松  
桂心中萬事喜君知

果子名詩

法曲梨園妙宮詞李白才蒲桃新錦段蓮子水銀盃  
栗陸皇基遠瓜沙地志來橘奴江上老梅使雪中迴

日辰詩

上戌勸農桑長庚報夕陽漁丁藏小篆螺甲秘清香  
勾乙讎筠簡耳辛酌柱牋丙科曾決策彼已莫籌量

字謎三首

其一

二形二體四支八頭四八一八邪泉仰流

其二

頭如刀尾如鈎中央橫廣四角六抽右面負兩兩左  
邊双属牛

其三

乾之一九隻立無偶坤之二六宛然雙宿

三婦詩

大婦掃玉墀中婦結羅帷小婦獨無事對鏡畫娥眉

良人且安卧夜長方自私

一字令

諸朝臣送白樂天分司東都裴休有令各取一物爲詩端從一字至七字成章湏有離情之意

酒酒酌來飲取君莫訴時難久偏樂少年能娛老叟  
對月不可無看花必湏有子髡一醉一石劉伶解醒  
五斗臨行強戰三五場酩酊更能相憶否

一字至九字詩聯句

東西

右鮑防

步月尋溪

右嚴維

鳥已宿猿又啼

右鄭綮

狂流礙石逆筭穿磯

右成用

望望人煙遠行行蘿徑迷

探題只應盡墨持贈更欲封泥

右允初

松下流時何歲月雲中幽處屢攀躋

右張叔政

乘興不知山路遠近緣情莫問曰過高低

右賈弇

靜聽林下潺潺足湍瀨  
歌問城中喧喧多鼓聲

右周頌

胡笳十八相集句

中郎有女能傳業

右韓愈句

顏色如花命如葉

右白居易句

命如葉薄將奈何

右白居易句

一生抱恨長咨嗟

右杜甫句

良人持戟明光裏

右張籍句

所慕靈妃喚蕭史

右韓愈句

天不仁兮降亂離

右古胡笳

嗟予去此其從誰

右韓愈詩

自胡之反持干戈

右杜甫詩

翠鸞雲稍相蕩摩

右杜甫詩

流星白羽腰間插

右李白詩

疊鼓遙翻幹海波

右王維詩

一門骨肉散百草

右李白詩

安得無淚如黃河

右李商隱詩

我生之初尚無為

右蔡琰詩

嗚呼吾意其蹉跎

右韓愈詩

身執略弓入所闕

右蔡琰詩

關山阻脩兮行道難

右古胡笳

水頭宿兮草頭坐

右劉商詩

在野只教心膽破

更鞴雕鞍教走馬

右韋莊

玉骨瘦來無一把

右李商隱

幾回拋鞋抱鞦韆

右花蘂夫人

往往驚墮馬蹄下

右張籍

漢家公主出和親

右張籍

御厨絡繹送八珍

右杜甫

眼長看地不稱意

右元稹

同是天涯淪落人

右白居易

我今一食日還併

右韓愈

短衣數挽不掩脰

右杜甫

乃知貧賤別更苦

右杜甫

安得康強保天性

右韓愈

月下長吟久不歸

李白

當時還見鴈南飛

陳商

彎弓射飛無遠近

劉商

青塚路邊南鴈盡

李商隱

兩處陰塵從此絕

孫處

惟向東南望明月

白居易

明明漢月空相識

劉商

道路只今多擁隔

杜甫

去住彼此無消息

杜甫

時復看雲淚橫臆

杜甫

豺狼喜怒難姑息

劉商

自倚紅顏能騎射

杜甫

千言萬語無人會

鄭谷

謾倚文草真末策

唐彥謙

死生難有却回身

李頻

不忍重看舊爲真

鄭谷

日夕思歸不得歸

劉商

山川蒲目淚沾衣

李嶠

畢圭苑裏西風起

杜牧

歎息人間萬事非

杜甫

寒聲一夜傳刁斗

高適

雲雪埋山蒼兕吼

杜甫

詩成吟詠轉淒涼

杜甫

不如獨坐空搔首

高適

漫漫胡天叫不聞

劉商

胡人高鼻動成羣

杜甫

寒盡春生洛陽殿

杜甫

回首何時復來見

司馬光

晚來幽獨恐傷神

杜甫

唯見沙蓬水柳春

張籍

破除萬事無過酒

韓愈

虜酒千盃不解人

高適

含情欲說更無語

一生長恨柰何許

韓愈

飢對酪肉芳不能食

古胡笳

強來前帳臨歌舞

張籍

歸來展轉到五更

李商隱

起看北升天未明

張籍

秦人築城備胡處

李白

擾擾唯有牛羊聲

張籍

萬里飛蓬映天過

杜甫

風吹漢地衣裳破

劉商

欲徃城南志南北

杜甫

三步回頭五步坐

杜甫

自斷此生休問天

杜甫

生得胡兒擬棄捐

劉商

一始扶床一初坐

白居易

抱搆撫視皆可憐

梅堯臣

寧使遠使問名姓

劉商

引袖拭淚悲且慶

韓愈

悲莫悲於生別離

楚詞

悲在君家留二兒

白居易

鞠之育之不羞耻

古胡笳

恩情亦各言其子

劉商

天寒日暮三谷裏

杜甫

腸斷非關龍頭水

李白

兒乎母惜號失聲

蔡琰

依然離別難爲情

韓愈

洒血仰頭兮訴蒼蒼

蔡琰

知我如此芳不如無生

宋玉

當時悔來歸又恨

劉蕡

洛陽宮殿焚燒盡

杜甫

紛紛黎庶逐黃巾

李嘉祐

心折此時無一寸

杜甫

慟哭秋原何處村

杜甫

千家今有百家存

杜甫

爭持酒食來相饋

韓愈

舊事無人可共論

韓愈

此身欲罷無歸處

杜甫

心懷百憂復千慮

高適

天翻地覆誰得知

劉商

魏公垂髮嫁文姬

舒元輿

天涯憔悴身

崔塗

託命於新人

蔡琰

念我出腹子

蔡琰

使我歎恨勞精神

杜甫

新人新人聽我語

白居易

我所思兮在何所

韓愈

母子分離芳意難任

右胡笳

死生不相知芳何處尋

右胡笳

燕山雪花大如席

李白

與兒洗面作光澤

崔氏

恍然天地半夜白

歐陽脩

閨中只是空相憶

谷參

點注桃花舒小紅

杜甫

與兒洗面作華容

崔氏

欲問平安無使來

杜甫

桃花依舊笑春風

崔護

春風似舊花仍笑

范仲淹

人生豈得長年少

我與兒芳各一方

右胡笳

憔悴看成兩鬢霜

孫處

如今豈無要裏與驛鴻

杜甫

安得送我置汝傍

杜甫

胡塵暗天道路長

杜甫

遂令再徃之計墮渺茫

韓愈

胡笳本出自胡中

右胡笳

此曲哀怨何時終

杜甫

笳一曲芳琴一拍

右胡笳

此心憫憫君應識

杜甫

句圖

御選

太宗皇帝聞楊徽之詩名盡索所著得數百篇奏  
御上和其所謝詩選集中十聯寫故屏

江行

犬吠竹籬沽酒客鶴隨岸洗衣僧

寒食

天寒酒薄灘成醉地迥樓高易斷魂

塞上

戍樓煙自直戰地雨長腥

僧舍

偶題岩石雲生筆閑遙庭松露濕衣

湘江舟行

新霜染楓葉皓月借梨花

哭江

廢宅寒塘水荒墳宿草煙

嘉陽川

背帝已教春不老素娥何惜月長圓

元夜

春歸萬年樹月滿九重城

宿東林

開盡菊花秋色老落遲桐葉雨聲寒

賈鳴句對

送朱可文歸越

吳山侵越衆隋柳入唐陳

南臺對月

借歸湖裏寺魚聽水邊經

就可公宿

僧同雪夜坐鴈向草堂聞

寄董武

孤鴻來半夜積雪在諸峯

送無可上人

獨行潭底影數息樹邊身

送天台僧

鴈過孤峯曉猿啼一夜霜

寄正空二上人

老窺明鏡少秋憶故山多

哭孟郊

家近登山道詩隨過海缸

寄韓湘

望鶯吟登閣聽猿淚滴缸

晚晴見終南諸峯

半旬藏雨裏此日到窓中

山中道士

養雛成大鶴種子作高松

題李凝幽居

鳥宿池中樹僧敲月下門

又詩

過橋分野色移石動雲根

羣公句對

徐詩

宿山寺

落宿依樓角歸雲擁殿廊

病題

向空咄咄頻書字與世滔滔莫問津

遊木蘭亭

蘭橈破浪城陰直玉勒穿花遠樹深

觀習出戰

千帆日助凌江勢萬里風馳下瀨聲

陳祕監歸泉州

三朝恩澤媯堂老萬里鄉關賀監歸

梁周翰句對

應制詩

百花將盡牡丹拆十雨初晴太液春

黃夷簡句對

題山居

宿雨一番疏甲坼春山幾焙茗旗香

范杲句對

講聖德

千里版圖來浙右一聲金鼓下河東

鄭文寶句對

長安送別

杜曲花光濃似酒灞陵春色老於人

詩曰

漢遙人沒日楚盡鳥飛天

司空擢

雨中黃葉樹燈下白頭人

盧綸

孤城吹角罷數騎射鵞還

賀蘭朋告

五更愁處雨三月盡時花

許棠

四顧疑無對中地忽有山

吟窓雜錄庚卷三十五

陳學士吟窓雜錄卷三十六

王禹偁句對

謫官

柳榆應有鬼夷侯豈無人

送及第還鄉

都人競指會題柱仕娘應慙不下機

劉道師句對

歎世

野馬飛空日醯雞舞甕天

殘花

金谷路塵埋國艷武陵溪水泛天馨

詠雪

三千世界銀爲色十二樓臺玉作層

湘中

逝波帝子魂何在芳草王孫怨未歸

李宗諤句對

春郊

一溪曉綠浮鷓鴣萬樹春紅斗杜鵑

蘇承旨

金鸞後記人爭寫玉署新碑帝自書

李建中句對

送人

故宮芳草在往事暮江流

朱昂致政

清朝納祿猶強健白首還家正太平

寄洪湛

摘去賈生身健否秋來潘岳鬢班無

路振句對

荔枝

瘴海千枝霧驪山一騎塵

潮州徵還

君恩來萬里客路出千山

丁謂句對

章安南

梅花過嶺路桃葉渡江帆

章明州

泣珠來客通閔市種王仙翁寄版圖

呂夷簡句對

早春

梅無驛使飄零盡草怨王孫取次生

寒食

人爲子推初禁火花愁清女再飛霜

焦宗石句對

周賢良

南陽客自稱龍臥東魯人應嘆鳳寒

蒲萄酒

釀成漢帝招王母飲罷涼州拜孟池

錢昭度句對

村居

黃蜂衙退海潮上白蟻戰酣山雨來

梅花

東北風吹大庾嶺西南日映小寒天

秋日華山

人間路到三峯盡天下秋隨一葉來

南鄭殿丞句對

與道士

青鳥幾傳王母信白鵝曾換右軍書

將至京

近闕已瞻龍鳳氣思鄉猶望斗牛星

錢惟演句對

奉使途中

雪意欲成雲墮地秋聲不斷鴈連天

章南鄭

金牛此地通巴檣黃鳥當時頌漢臣

蜀筠句對

李太僕北使

惟月鄉曹重占星使者賢

宮詞

難銷守宮血易斷舞鶯腸

折蟬

翼薄乍梳官女鬢蛻輕全解羽人頭

惠崇句對

送季堪

秋聲動羣木暮色起千山

希畫句對

宋承旨林亭

雪溜縣危石碁灯射遠林

鴈蕩山

長天來月正危木度猿稀

廣西轉運

春生桂嶺外人在海門西

寄人

山日秋光短江虹晚影低

寶通寺句對

相國寺

下朝人帶天香入出定僧迎銜仗來

簡長句對

送人歸寧

煙蠱沉寒笛霜空擊怒鶻

智仁句對

溪居

寒聲病葉落曉色凍雲開

僧歸天台

路遙無去伴山疊有啼猿

休復句對

送道士西遊

日暮長安道  
秋深太白峰

行肇句對

送僧

聽錫樵停斧  
窺禪鳥立槎

送人之郵江

江聲鼈漸出  
帆影斗邊飛

續句圖

王維冬晚對雪

隔牖風驚竹  
開門雪滿山

司空曙立秋日

草靜多翻燕  
波澄乍露魚

司空曙元日觀早朝

漏促雙魚鑰車喧百子鈴

蘇味道上元夜

暗塵隨馬去明月逐人來

李端宿洞庭

沙上魚人火煙中估客舟

于良吏春山月夜

掬水月在手弄花香滿衣

李約從軍行

營柳和煙暮闋榆帶雪春

張循巫山

月明三峽曙潮滿二江春

皎然從軍行

漢鼙秋聒地羗火晝燒雲

崔珪孤寢怨

花飛織錦處月落搗衣邊

楊衡送孔周南之南海

潮盡收珠母沙閑拾翠羽

宋之間句對

三會寺應令

瑞鳥呈書字神龍吐浴泉

芙蓉園應制

絃奏魚聽曲機忘鳥狎人

李嶠驪山高頂應制

詩曰

忠臣還梓日聖后欲攬天

又詩

河看大禹鑿山見臣靈開

又詩

雲披丹鳳闕目下黑龍潭

韓翊嚴句

秋夜即事

星河秋一彌砧杵夜千家

劉禹錫嚴句

寄楊八壽州

入公山下清淮水千騎塵中白面人

武陵畫懷

或沙金粟見拾羽翠翹翻

劉長卿嚴句

寄李使君

漁樵讌太古草樹得揚和

題東齋

蘋枝全吾道榆槐養大和

餘干旅舍

孤城向水閉獨鳥背人飛

又詩

避世歌芝草休官醉菊花

獻李相公

春雨草中行徑沒暮山江上捲簾愁

孔中丞句圖

夏日遊園亭

風荷搖翠盆雨簷聲青甃

山寺僧

石磬生雲氣銅瓶瀆水痕

隱者

高眠歌石磴長嘯響山椒

林亭晚望

拂花紅染袖書葉翠凝毫

嵩山隱者

石室但能披短褐金門何必曳長裾

秋日閑居

潤生基局寒煙冷酒詩牌暮雨斜

送人歸魯

洙泗水光搖郡閣龜蒙山翠滴家園

中春

花映小齋紅筆硯柳搖深院翠簾籠

送道士歸天台

清風千里夜吟月長嘯一聲秋渡江

三隨句圖

送人知興化

客館月斜寒夢斷仙舟風穩去帆飛

和人上張司諫

事簡曉花香落硯訟稀精蘚綠生庭

送李太保

候館虛窓晴月色野橋踈樹暮蟬聲

和人新秋感懷

照池蓮艷紅疑菜入戶山光翠可枯

又詩

關門半掩庭花落啼鳥一聲煙樹深

又詩

數里竹溪藏野色一軒松雨戰秋聲

探春

地迴暖脉外先覺梅吐新香蝶未知

又詩

千里水雲歸澤國一帆煙雨掛秋江

夏日

松檜陰中閑覆局芟荷香裏靜垂鉤

煙

曉色靜和迷遠徑晴光輕重織平蕪

閑居

靜憐身計無塵事貧喜生涯有古書

秋夜

滿牕寒影雲生岳一枕秋聲雨滴階

李遘句圖

和陳殿永

酒鄉貧更入詩債病猶還

感秋

天冷雲含日溪清水獻沙

延壽亭

松老多經雪雲閑不到天

淨居院

路經橋遠塵難到僧占閑多俗不爭

喜晴

天放舊光還日月地歸濃秀與山川

柳開句圖

孤生竹

搖風無亂影逗月有餘聲

思歸

重陽霜冷鴈初過寒食雨晴花正開

贈張員外

俸傳借錢來飲酒官閑招客坐聽琴

贈孫邁

官罷數年長負債詩吟終日旋成編

陳元老句圖

上孫濬

日月有光天不夜山川長暖地無秋

和繆景玉還鄉

流水好山皆有主落花殘照不留人

長汀冬晚

恨露斷沙松半死浪衝寒石水分流

吳楊山亭

閑雲滿地不曾老古木遶欄長帶春

吟窓雜錄卷三十六

陳學士岑窓雜錄卷三十七

梅堯臣句圖

途中遇雪有作

極目千山碧馳心一鳥飛

趙韓王故宅

不見分香妾空餘闌鶴欄

聽琴

清談停玉座雅曲聽金徽

納涼

竹陰過晚涼林表見殘虹

無題

臨風恐仙去倚扇怯歌長

卷三十一  
會東堂

鬢約寒鵝碧衣輕舞蝶黃

早渡長蘆

帆開風色正舟急浪花分

夏日汎中

黃驥度高柳歸燕拂行舟

新霽

斷虹迎日盡飛雨帶龍腥

泛江

斜陽鳥外落新月樹端生

晚步

樵深但聞斧谷暖自留春

暮春

綠草旋抽心青梅猶帶萼

晚晴西湖

城上明殘照雲間掛斷霓

准上

相親沙上鴈自樂水中魚

滕學士書堂

澗魚來入俎林鳥或窺書

聞角

風卷梅花去愁從柳塞添

二月雪

塘冰膠燕嘴野水澁芹芽

雨後

柳重宮腰弱花肥粉頰豐

送虞倅

箇通洲橘熟信到嶺梅香

未晴

缺月如羞出荒雲不肯飛

村豪

爛傾新釀酒飽載丁溪舡

夢後寄永叔

五更千里夢殘月一聲雞

寄孫岳州

明月一千里寒光三萬枝

送王奉職

四壁我何有一錢君亦無

題善慧禪齋

心是寒瓶水明無寶鏡埃

泛溪

漸近驚猶立已遙村覺橫

曉

萬國睡未覺一聲雞已知

朝

欲開花泣露聚噪鳥窺厨

魚

三春登玉浪一日到天池

蝦

水母憑爲目空簾織似鬚

夢中作

風雨幽林靜雲煙古寺深

西湖野步

斷水流破鏡凍地折枯龜

花燭

花光濃照席燭艷暖回春

致仕李國傳

青蒲翠竹圍草屋白酒黃雞命里人

送趙徐州

雨過短亭雲斷續鶯啼高柳路西東

退朝馬上

歛雨浮雲猶復暗背寒殘雪愈添寒

和景純春雪

揚花撲撲白幔地蝶蝶紛紛飛滿天

省閣宿齋

看盡雲容天漏碧讀殘書帙卷披黃

對月

草根蟲冗吟來久星角星河落更清

對雨

衝風燕子銜泥去隔葉鶼鶼喚婦歸

元日朝

欲聞鳳管天邊度教聽雞人樓上頭

朝

青苔井畔倦兒闌鳥旧樹頭鴉舅鳴

歷陽過趙挺之

人說維摩居士病我同王子雪舟來

留別李君錫

不醉不歸情可見相看相笑意如何

和王司封

黃童謾對日如月賈誼休悲謫似鷗

體格

縱辭之體凡有四對

言對爲易

事對爲難

反對爲優

正對爲劣

一曰言對

謂雙比空辭者也

長卿上林賦云

修容乎禮園  
翹翔乎書圃

此言對也

二曰事對

謂並舉人驗者也

宋玉神女賦云

毛嬌反袂西施掩面

此事對也

三曰反對

謂理殊趣合者也

仲宣登樓賦云

鍾儀幽而楚奏莊鳴顯而越吟

此反對也

四曰正對

謂事異義同者也

孟陽七哀云

漢祖想粉榆光武思白水

此正對也

言對爲美貴在精巧

車對所先務於允當

兩事相對而優劣不均是麗在左驂鶯居右服也

美事孤立莫與爲偶是夔之一足躊躇而行也

四序紛迴而入興貴閑物色雖繁而析辭尚簡使味飄飄而輕舉情曠曠而恒鮮古來辭人異代接武莫不參伍而相交因革以爲功物色盡而情有餘者曉會通也

詩有四貴

綜學貴博

取事貴要

校棟貴精

據理貴覈

詩有四格

一曰避詭異

二曰省聯邊

三曰推重出

四曰調單復

何謂詭異

謂字體壞恠是也

何謂聯邊

謂半字同文是也

何謂重出

謂同事相犯是也

何謂單複

謂瘠字累句肥字損文是也

文之精蕤有隱有秀

隱也者文外之重旨也

秀也者篇中之獨枝也

隱以複意爲工

秀以卓絕爲巧

詩有九等

薛公廬山詩

落花度幽  
越去鳥入長煙

又詩

潭影搖踈竹野氣入高松

唐河詩

雲光澹淺石露氣肅長煙

劉獻臣錢道士還蜀詩

鸞飛背簫閣鶴舞向琴臺

以上居上上等也

無可江寧詠雪詩

常持皎潔性終恰艷陽年

鄧郎中黃河詩

忠信固可憑湍波非所懼

以上居上中等也

韋承慶九成宮山

有水魚爭樂無人鳥共歌

以上居上下等也

劉處約亡奴詩

丹籍生年淺黃泉歸路深

駱西征詩

試上天山望依然想物華

以上居中上等也

張文潛云

以聲律作詩其末流也自唐至今詩人謹守之獨魯直一掃古今棄聲律作五七言如金石未作鍾磬和聲渾然有律呂外意近來作詩者頗有此體然自吾魯直始也

詩文唯不構空強作待境而生便自工耳

詩文高勝要從學問中來

詩說

寧律不諧不可使句弱寧用字不工不可使語俗此瘦開府之所長也至於淵明所謂不煩繩削而自合規矩

評品

帝問顏延之謝靈運優劣於鮑昭昭曰謝五言如初發芙蓉自然可愛顏詩如鋪錦列綉亦雕績可喜

詩貴三易

易見事一也

易識字二也

易讀語三也

王籍入若耶溪詩

蟬噪林逾靜鳥鳴山更幽

簡文帝吟此詩不能忘  
孝元諷此詩以爲不可復得

蕭慾秋詩

芙蓉露下落楊柳月中疏

此詩蕭散宛然在目

杜牧詩

盡日問花花不語爲誰零落爲誰開

皮日休誦此句未嘗忘

盧子發詩

明月照巴山

姚岩傑曰明月照天下柰何獨照巴山耶

張祐宮詞

故國三千里深宮二十年一聲河浦子雙淚落君前

白公云四句之中皆數對何足奇

徐凝詩

千古長如白練飛一條界破青山色

東坡云此至爲塵陋

孟郊移居詩

借車載家具少於車

永叔云乃是都無一物耳

賈島詩

鬢邊雖有絲不堪織寒衣

末叔云縱堪織所得幾何

嚴維詩

柳塘春水漫花塢夕陽遲

梅聖俞曰芙蓉物態豈不在目前

楊諤省試

宣室受輶詩

願前明主席一問洛陽人

是年果登第

退之城南聯句

竹影金瑣碎

此乃日光非竹影也

汪處士詩

藥靈丸不大甚妙子無多

僧文瑩云此詩可采

吟窓雜錄卷三十七